

## ԿԱՐՄԻՔ

Արման Գևորգի Անդրկյանի՝ «Հայ Առաքելական եկեղեցու Իրանի թեմերը (պատմություն և արդիականություն)» №. 00, 05 - «Կրոնի տեսություն և պատմություն (պատմական գիտություններ)» մասնագիտությամբ պատմական գիտությունների թեկնածուի գիտական աստիճանի հայցման աստենախոսության մասին:

Հայտնի իրողություն է, որ Հայ Առաքելական եկեղեցու պատմության անբաժանելի և բաղկացուցիչ մաս են կազմում հայոց հոգևոր թեմերի ու դրանց համակողմանի ուսումնասիրությունը: Ուստի պատահական չէ, որ հայ եկեղեցին հոգևոր թեմերի միջոցով իր վրա վերցնելով հայապահպանության, օտար պետություն - հայ համայնք հարաբերությունների կարգավորման, կրթության ու լուսավորության տարածման և այլ խնդիրներ կարողացել է դարերի ընթացքում պահպանել հայի ինքնությունը, թույլ չտալով նրան ձուլվել օտարության մեջ: Այս առումով մեծապես կարևորվում է ոչ միայն Հայ Առաքելական եկեղեցու այլև նրա նվիրապետական աթոռների և հոգևոր թեմերի պատմության գրեթե բոլոր ժամանակների գիտատեսական ու գործնական հետազոտումը՝ հատկապես ազգային եկեղեցիական բազմաթիվ փոխհարաբերությունների լուսաբանման և հայ եկեղեցու ազգապահպանման գործառույթների քննության տեսակետից: Այդ հանգամանքներից ելնելով կարևորվում է հայոց հնագույն և ամենաերկարակյաց գաղթօջախներից մեկի պարսկահայ հոգևոր թեմերի դերի ու նշանակության բացահայտումը հայ համայնքի ազգային ու կրոնական նկարագրի պահպանման գործում: Այս իմաստով սույն աստենախոսությունը լրացնում է ոլորտի ուսումնասիրության բացը:

Հեղինակն իր առջև նպատակ է դրել հետազոտել, ճշտել, հստակեցնել և վերհանել Իրանահայ հոգևոր թեմերի պատմության մինչ այժմ հրապարակի վրա եղած ոչ պատշաճ լուսաբանված կամ թերի ուսումնասիրված հարցերը հայերեն ձևազրեթի հիշատակարաններում և հայոց հայրապետների դիվաններում պահվող փաստաթղթերի լուսաբանման միջոցով: Նրա առջև դրված խնդիրներից է պատմահամեմատական մեթոդի կիրառմամբ վեր հանել և համակողմանիորեն քննական ամբողջական վերլուծության ենթարկել Հայ Առաքելական եկեղեցու Իրանի

թեմերի գործունեության դրսևորման հոգևոր-կրոնական հիմքերը, դրանց վրա ազդեցության միտումները, գործոններն ու դրսևորումները: 121 համակարգչային էջեր ընդգրկող ատենախոսությունն ունի կոտ կառուցվածք, բաղկացած է ներածությունից, երեք գլուխներից, եզրակացություններից և օգտագործված սկզբնաղբյուրների ու գրականության ցանկից:

Ներածության մեջ (էջ 3-13) հիմնավորված է թեմայի գիտական նշանակությունն ու արդիականությունը, նպատակն ու խնդիրները, ներկայացված է աշխատանքի գիտական նորույթը, մեթոդաբանական հիմքը, կիրառական նշանակությունը, տրված է օգտագործված սկզբնաղբյուրների ու գրականության տեսությունը:

Առաջին գլուխը, որն անվանվում է՝ «Հայ Առաքելական եկեղեցու իրանահայ թեմերը միջնադարում և նոր ժամանակներում (պատմական ակնարկ)» բաղկացած է հինգ ենթագլուխներից և ընդգրկում է 14-51 էջերը: Այստեղ հեղինակը հետազոտության կյուբ դարձնելով Ս. Թադեի, Նոր Ջուղայի վանական թեմերի, Ջարեհավան - Սալմաստի, Շերի, Ջարեվանի, Առնայի եպիսկոպոսությունների գործունեությունը, ներկայացրել է Հայ Առաքելական եկեղեցու Իրանի թեմերի կազմավորման աստիճանականությունը՝ տալով Իրանի տարածքում V-XVIII-դդ հայկական գաղթօջախների ձևավորման նախապատմությունը: Այս գլխում նա անդրադարձ է կատարում նաև Հայ Առաքելական եկեղեցու Իրանի թեմի ձևավորման և զարգացման պատմությանը, մեջ բերելով իրանահայ հոգևոր թեմերի, սրբերի, այդ թվում Ավագ Սալմաստեցու, Իսահակ Թավրիզեցու, Միրաք Թավրիզեցու, Գրիգոր Արվիայեցու մասին պատմող տեղեկությունները (տե՛ս էջ 20-33): Հեղինակին հաջողվել է համապատասխան փաստերի բնական վերլուծությամբ ներկայացնել Նոր Ջուղայի և Ասորպատականի հոգևոր թեմերի գործունեությունը XVIII դարում և նրանց փոխհարաբերությունները Սբ. Էջմիածնի հետ: Այստեղ նա քննության է ենթարկել հայոց հայրապետների՝ Ղազար Ա Ջահկեցու, Հակոբ Ե Շամախեցու, Միմենո Երևանցու և Ղուկաս Կարնեցու ջանքերը պարսկահայության կրոն-իրավական կարգավիճակի բարելավման գործում: Միմենո Ա Երևանցի կաթողիկոսի «Հիշատակարանի» կյուբերի և «Ջամբո» աշխատության բնական վերլուծությամբ Անդրիկյանը հատուկ ընդգծել է Միմենո Երևանցու իրականացրած մեծ

դերակատարությունը իրանահայ երկու թեմերի Ատրպատականի և Նոր Ջուղայի (իրանահնդկական) Էջմիածնի նվիրակների նշանակման և իրավական կարգավորման հարցերում (տե՛ս էջ 34-41):

Առաջին զլխի վերջում (էջ 49-51) հեղինակը ժամանակագրական հերթականությամբ ներկայացրել է 1606-1800 թթ. ընկած ժամանահակատվածում Նոր Ջուղայի թեմի առաջնորդների՝ Մեսրոպ եպ. Ջուղայեցու, Խաչատուր Կեսարացու, Դավիթ Ա, Ստեփանոս, Ալեքսանդր, Մովսես Ա, Դավիթ Բ, Պողոս Ջուղայեցիների և Գևորգ Մկրտիչ, Հակոբ Եպիսկոպոսների գործունեությանը, նրանցից առանձնացնելով և կարևորելով թեմի և զաղութի կյանքում մեծ ներդրում ունեցող՝ Խաչատուր Կեսարացուն և Ստեփանոս ու Ալեքսանդր Ջուղայեցիներին:

Ատենախոսության երկրորդ զլուխը, որը կրում է «Իրանահայ հոգևոր թեմերը XIX-XX դարերում» վերանգիրը, ընկած է 52-81 էջերը և բաղկացած է յոթ ենթազյուղներից: Այստեղ համապատասխան փաստերի վերլուծությամբ հեղինակը քննության է ենթարկել իրանահայ երկու թեմերի՝ Ատրպատականի (Թավրիզ) և Նոր Ջուղայի (իրանահնդկական) գործունեությունը Ֆաթի Ալի Շահ Ղաջարի և Նասրեդդին շահերի օրոք: Հայտնի է, որ «այդ թեմերը հանդիսանում էին պարսկահայ համայնքի իրավական դրության երաշխավորներն ու պետության հետ հայ համայնքի իրավա-քաղաքական հարաբերությունների կարգավորողները», - ինչպես ընդգծում է ատենախոսը (տե՛ս էջ 53): Այս կարևոր հանգամանքները նկատի ունենալով նա հանգստանորեն անդրադարձել է Ատրպատականի թեմի առաջնորդ Գևորգ եպս. Վեհապետյանի և Նոր Ջուղայի թեմակալ առաջնորդ Թադեվոս եպս. Բեկնազարյանի պայքարին՝ պարսկահայության իրավաքաղաքական և կրոնական ազատությունների ձեռք բերման ուղղությամբ: Համապատասխան նյութերի վերլուծությամբ հեղինակին հաջողվել է ցույց տալ նաև Ատրպատականի թեմակալ առաջնորդ Ներսես եպս. Մելիք-Թանգյանի հայրենասեր գործունեությունն ու վաստակը և ամենայն մանրամասնությամբ ներկայացրել XIX- XX դդ իրանահայ առաջնորդների ցանկը՝ տալով նրանցից ամենաչքի ընկածների համառոտ բնութագրերը (տե՛ս էջ 72-74): Հեղինակը առանձին անդրադարձ է կատարել նաև Ատրպատականի, Իրանահնդկական և Թեհրանի հոգևոր թեմերի՝ կառավարման ավանդական համակարգին և նրանց փոխհարաբերություններին իրանական

պետության հետ XX դարի և իրանահայ թեմերի՝ Սայ Աթոռ Սբ. Էջմիածնից հեռանալու հանգամանքներին (տե՛ս էջ 74-81):

Ատենախոսության երրորդ գլուխը վերնագրված է՝ «Իրանահայ հոգևոր թեմերի գիտակրթական և մշակութային գործունեությունը» և բաղկացած է չորս ենթագլուխներից, ընդգրկելով է 82-108 էջերը: Այս վերջին գլխում ատենախոսին հաջողվել է համալիր քննությամբ ներկայացնել XIV-XV դդ թվագրվող շուրջ 120 հայերեն ձեռագիր հիշատակարաններում պահպանված տեղեկություններն իրանահայ թեմերի կամ եպիսկոպոսական վիճակների ու գրչության կենտրոնների մասին: Ինչպես հեղինակն է ճիշտ նկատել «դրանց թեմտիկան բազմազան է և ընդգրում է ոչ միայն Աստվածաշունչ Սատյանը, Ավետարանը, Առաքյալների և դավանաբանական թղթերը այլև ճատընտիրը, մեկնությունները, ժողովածուները, Հայսմավուրքները և գրական ստեղծագործությունները» (տե՛ս էջ 88, 91, 92):

Ատենախոսին հաջողվել է նոր փաստերի քննությամբ արժևորել և վերախմաստավորել իրանահայ թեմերի ենթակայության տակ գտնվող մի շարք հայկական բնակավայրերի՝ Սուլթանիեի, Ս. Թաղեի վանքի, Թավրիզի, Նոր Ջուղայի գրչության կենտրոնների և այնտեղ գործունեություն ծավալած բազում գրիչների (Մխիթար Անեցի գրիչի, Գրիգորի՝ Սարգիս քորեպիսկոպոս, Բարսեղ երեցի, Ավագի, Թումայի, Կարապետի, Աբրահամ եպիսկոպոսի, Սըրսի, Ստեփանոս եպս. Առնջեցու Տիրավալի և այլոց) ծավալած կրթա-մշակութային գործունեությունը: Այստեղ հեղինակին հաջողվել է վեր հանել գրչության կենտրոնների և մատյանների ընդօրինակաման հովանավորների խաղացած դերը և իրանահայ գրչության կենտրոնների կապը մայր հայրենիքի ու Գլխիկիայի հայկական թագավորության նշանավոր գիտակրթական օջախների (Գլխձոր, Մեծոփավանք) և դրանց ռարոնապետերի (Եսայի Նչեցի, Ներսես Մշեցի, Գրիգոր Տաթևացի) հետ (տե՛ս էջ 91): Համապատասխան փաստերի քննությամբ և մեկնաբանմամբ Ա. Անդրիկյանը փորձ է արել կարևորել Պարսկաստանի հայաբնակ 497 բնակավայրերից 312-ում կառուցված 385 եկեղեցիներից նշանավոր 6 վանքերի, վանական համալիրների և եկեղեցիների, մասնավորապես Ատրապատականի՝ Իերիկի Ս. Աստվածածին, Ս. Ստեփանոս նախավկա, Ս. Թաղեի, Նոր Ջուղայի՝ Ս. Ամենափրկիչ, Ս. Կատարինե և Փերիա գավառի Հագարջրիք գյուղի Ս. Աստվածածին եկեղեցիների դերն ու

նշանակությունը ոչ միայն իրանահայ թեմերի հոգևոր իշխանության սահմաններում, այլև ընդհանրապես Հայ Առաքելական եկեղեցու պատմության մեջ: Այս զլխում հեղինակին հաջողվել է համակողմանի քննության ենթարկել իրանահայ հոգևոր դասը ներկայացնող եկեղեցական ու մշակութային քիչ հայտնի ակնավոր գործիչներից մի քանիսի՝ Խաչատուր վրդ. Կեսարացու, Հովհաննես վրդ. Մլրուզ-Ջուղայեցու, Խաչատուր արեղա Խահակյան-Ջուղայեցու, Ստեփանոս երեց Տերտերյան-Հազարջրիպեցու գործունեությունը և արժևորել այն (տե՛ս էջ 99-105): Գլխի վերջում աստենախոսք բովանդակային քննարկման է ենթարկել Իրանի հայ Կաթողիկե և ավետարանական համայնքները (տե՛ս էջ 105-108): Այստեղ նա համապատասխան փաստերի մեկնաբանմամբ լուսաբանել է ոչ միայն Իրանի հայ Կաթողիկե՝ 2200 հոգանոց համայնքի պատմության դրվագները, որի սուսջևորդանիստը գտնվում էր Սպահանում է որի հոգևոր հովվության սահմաններում էին գտնվում Թեհրան, Սպահան, Թավրիզ ու Շիրազ քաղաքները այլև հայ ավետարանական 1900 հոգանոց համայնքի և հայ ուղղափառների, ունիթորների ու հոգեգալստականների գործունեությունը:

«Եզրակացություններ» բաժնում աստենախոսք չորս էջերի շրջանակում կատարել է ընդհանրացումներ, ամփոփելով հետազոտության արդյունքները, հանգել է մի շարք կարևոր եզրակացությունների: Եզրակացությունները մեծիմասամբ համուզիչ են ու տրամաբանական: Վերջում 9 էջերով ներկայացված է հայ և օտարալեզու գրականություններն, այդ թվում՝ Աստվածաշունչ մատյանը, պատմիչների աշխատությունները, ձեռագիր հիշատակարանները, կաթողիկոսական դիվանի փաստաթղթերը, ուղեգրությունները, աստվածաբանական և վարքագրության փաստաթղթերն ու աշխատասիրությունները, գրքերը, գիտական հոդվածներն ու բառարանները:

Այսպիսով վերլուծելով աստենախոսի կատարած աշխատանքը կարելի է եզրակացնել, որ կատարվել է մեծածավալ ու բարեխիիճ աշխատանք, որն ունի հարուստ բովանդակություն, շարադրված է գրագետ լեզվով, պարունակում է գիտական նորույթ: Բարձր գնահատելով կատարված այս դրվատելի գիտական աշխատանքը հարկ ենք համարում նշել որ, աստենախոսությունում տեղ են գտել մի քանի բացթողումներ ու թերություններ, որոնց կուզենայինք անդրադառնալ:

1. Հեղինակը ատենախոսության երրորդ գլխի 3.1.՝ «Իրանահայ հոգևոր թեմերի գրչության կենտրոնները» ենթագլխում հանգամանորեն ներկայացրել է Ա. Թադեի վանքի, Խոյի, Մակուի, Թավրիզի, Սուլթանիևի, Նոր Ջուղայի գրչության կենտրոնների դերն ու նշանակությունը համահայկական իրանակության մեջ: Ցանկալի կլիներ, որպեսզի նրա ուշադրությունից չվրիպեր նաև Օործորի գրչության նշանավոր կենտրոնի լուսաբանումը:
2. Հեղինակն ատենախոսության այս, կամ այն գիտական փաստարկը հիմնավորելու համար հաճախ մեջբերում է իր այս կամ այն հոդվածը, որը սկզբնաղբյուրի և գիտական էթիկայի տեսանկյունից նպատակահարմար չէ:
3. Աշխատանքում տեղ են գտել փաստերի որոշակի անճշտություններ: Այսպես, ատենախոսը աշխատանքի առաջին գլխի 1.1. ենթագլխում (էջ 14) իրավացիորեն նշում է, որ հայերի զանգվածային բռնագաղթը դեպի պարսկաստան կապվում է Սասանյան Արտաշիր թագավորի անվան հետ, ով 228 թ. մեծ քանակությամբ գերիներ տարավ Հայաստանից: Սակայն եզրակացությունների մեջ (էջ 109) սխալմամբ ընդհանրացնում է, որ հայերի զանգվածային բռնի տեղափոխումը Իրանի տարածք կապված է 369 թ. իրադարձությունների հետ:
4. Ատենախոսության առանձին ենթագլուխներում (հատկապես առաջին գլխի առաջին և երկրորդ ենթագլուխներում) ավելի շատ գերակշռում է նկարագրական կողմը, որն աշխատության այդ մասին հաղորդում է փաստագրական բնույթ: Չնայած մյուս ենթագլուխներում վերլուծական կողմը գերակշռում է, ցանկալի կլիներ, որ այդ նույնը լիներ նաև նշված ենթագլուխներում:
5. Ատենախոսության յիսրժերությունն ապահովելու և այն ընդհանրացված դարձնելու համար ցանկալի կլիներ, որպեսզի ատենախոսության գլուխներն ավարտվեին յուրաքանչյուր գլուխն ամփոփող եզրակացություններով, որոնք պետք է նշվեն կետերով, ինչպես գլուխների վերջում, այնպես էլ եզրակացության բաժնում, որպեսզի ավելի պարզ ու հասկանալի լինի ընթերցողին:

Առանձին էջերում (էջ 11, 20, 32, 47, 66, 69, 75, 83, 88, 89, 101 և այլն) կան համակարգչային թերություններ. լեզվաոճային ոչ ճիշտ ձևակերպումներ, անհարթ մտքեր ու արտահայտություններ, որոնք տեխնիկական բնույթի թերություններ են:

Նշված թերություններն, ինչ խոսք, չեն նսեմացնում Ա. Անդրիկյանի գիտական ուսումնասիրության արժանիքները:

Քննարկման ներկայացված ատենախոսությունը հետաքրքիր և բազմակողմանի ուսումնասիրություն է: Այն վկայում է հեղինակի կողմից բավականին բարդ հարցերին ինքնուրույն լուծումներ գտնելու հմտության մասին:

Ատենախոսությունը լիովին բավարարում է թեկնածուական ատենախոսությանը ներկայացվող բոլոր պահանջներին, ունի գիտագործնական արժեք, իսկ հեղինակը՝ Արման Գեորգի Անդրիկյանը լիովին արժանի է իր հայցած պատմական գիտությունների թեկնածուի գիտական աստիճանին:


Պաշտոնական ընդդիմախոս՝

պ. գ. դ. պրոֆեսոր Էդիկ Գարեգինի Մինասյան

պ. գ. դ. պրոֆեսոր Է. Գ. Մինասյանի ստորագրությունը կազմում է

ԵՊՀ գիտական քարտուղար

պ. գ. թ., դոցենտ Լևոն Սահակի Հովսեփյան



09.07.2021թ.